



's U'krut as wio' s Krut
döt wo Krut kut kut.
Ou was d' Lüt a'goht,
's gliech sä säga lot.

Blös wer U'krut eot,
d' liob Not döt dra heat,
dass wer U'krut zupft,
ou gern's Krut usrupft.

Däs ischt, woäß ma, schlecht.
Blös, wio macht ma 's reocht?
Gloub 's, as wär a Schand,
nüm 's U'krut überhand.



(ASP531-03.06.2009)




Wenn d' mit dir seolber z'frido bioscht,
dass d' besser künntischt si, vergioscht !

Din Nochbur muont, a(l)s Ma vo Weolt,
- as ischt gwioß streng zum wichtig tuo -
dass er drom meh as andrä geolt.
Bios z'frido und laß iohn in Ruoh,
däs langat meh as für dahuo.

U'zfrido si, woaßt hüt ma, tuot
alls ehnder a(l)s der Gsundheit guot !



(ASP532-18.06.2009)



Süßlarschnitz

(ASP533-29.06.2009)

Do Dorarobiorar Süßlarschnitz
ischt übermüotig all a biz.
a Gschpäßlä er no all verstoht,
und guot g'humört dur 's Leobo goht.
Blös wenn ma iohm uf d' Zecha stoht,
ar däs nid uf sä hocka lot.
Jo wol as do, uf d' Zecha stoh,
do bioscht iohm gad an Reochto ko.
Der Spitzbuob kut iohm gad wio gleogo.
Do Doarobiorar, nid verleogo,
heat Gnad vor Reocht zwor geolto lo
blös huomlä iohm i 's Bierglas to.
Ischt iohm bis 's nösch-mol wieder guot:
was ma nid alls für-o Friedo tuot.



(ASP533-29.06.2009)




Mir sei a blöds Malör passiert,
ischt letschthio woro konstatiert.

- I schämm mä eh -
- was wit no meh ? -

Das guot a mim Malör ischt dra,
wo jedem ou passiro ka,
ma leornat drus, zum obacht gio;
so heat 's Malör doch no an Sio.

- zum obacht gio -
- i drufko bio -



(ASP534-08.07.2009)




Zu mengom, wo ma kaum no kennt,
heat ma ganz schneoll an guota Droht.
was uon verbiondt und was uos trennt
sä vielmol nid argründo lot.

Uf beida Sita Sympathie,
do muoß scho eopas sus no si,
do spielat, ob du 's wohr hio wit,
no eopas anders ou no mit.

Frog nid, laß offo-n-an Klips d' Tür,
würscht seocha, dass as stoht dofür.
Mit jedem, wo du inar loscht,
du 's Leobo a klä meh verostoscht.



(ASP535-18.07.2009)



Mir tuot nünt weh

(ASP536-10..08.2009)

Mir tuot zu Glück all meh und meh
as niona mä, gär niona weh.
As fehlt mir gad scho suber nünt,
wo as doch übrall weh tuo künt.
I hio kuo Fiober, hio kuo Grippä,
ou hio kuo uonzigs 'brochos Ripp-ä,
Migränä kennt nid minä Bioro,
i hio kuon Stuo i miro Nioro,
as goht ganz ohne weh tuo alls,
wo wo-n-i ka bießo, dur-o Hals,
daß d' Gurgel g'hörig funktioniert
kut, will si gnuo-g-und reocht ischt gschmiert,
do Blutdruck, wo uos bloga künt,
ischt ganz normal, as fehlt sä nünt,
d' Därm schaffand, dass i prächtig ka,
problemlos ischt ou d' Proschtata,
i hio kuo Rheuma, hio kuo Gicht,
hio 's ideal - licht Übergwicht,
as künt di mändlä Energie
für 's Altar gär nid besser si,
döt künt ma jo scho liedo dra !
was focht dormit ma zwor no a ?
Daß d' Blutwert stimmond, döt druf stoh-n-ä,
ou dänä siond fürwohr nid ohnä,
nid uomol mina Kreislouf spiont,
jo, nid amol mir d' Naso riont,
as kreoblat ou nid z' nacht in Füoßo,
i muoß nid 's quot, fett Eosso büoßo,
daß d' Leoboro alls Gift verbränt,
ma a mim Friedlä-si arkennt,
mir tuot do Buggel ou nid meh,
as deona wo no buggland weh,
no reocht passabel ischt min Buch
und 's Hirn tuot reocht, für was i 's bruch,

ou 's Beuschel ischt am wacker pumpa,
do Apothekar tät verlumpä,
wenn luter er het, wio i sei,
wo nio a xunds Weh-wehlä hei,
Do Doktor seit, as künn nid si,
i bild mir, möglä, 's xund si i,
i sei z' mol pumperl-xunda tot,
i söll uf d' Kur go - aber gnot !





Humor

(ASP537-10..09.2009)

Vo Zit zu Zit brucht din Motor,
dass er rund louft, an Schuss Humor.

Wenn d' dir ou nid alle leischta kascht,
Humor ischt gratis, dän vermacht.

Im Leobo di viel Loads nid stört,
bioscht du vo Grund uf guot g'humört.

Humor, wo andora zum Gschpött ischt,
du seob verträgo halt ou söttischt.

Humor z' versteckot, ischt kuo Kuscht,
blös fiondscht iohn z'letscht nid, wenn d' iohn bruchscht.

Humor muoscht pfelego, ischt min Rot,
tuoscht däs nid, ar wio Schnee vergoht.

Obwohl i viel verlango künt
für min Humor will i gär nünt.



(ASP537-10..09.2009)




Grenza söttischt reschpektioro,
vielmol heoscht kuo-n-andrä Wahl,
reizvoll ischt ios z' ignorioro;
weon reizt scho nid das llegal.

Jeda mit am Husverstand
sinä Grenza seob sä setzt,
A'läß git 's zwor allerhand,
wo sogär ma dio verletzt.

Grenza mit fatala Zöllo
brucht as über 's mol eotz numma;
stricho i do Köpfo söllo
het ma 's ... vo do Ewig-Dumma.

Uonä Grenz, und däs ischt g'schpäßig,
hebt zum Glück no ganz verbiosso,
dänä Grenz ischt u'durläßig,
däne Grenz ischt all no 's Gwiosso.





Integrioro

(ASP539-06..1092009)

D' Migranto lond sä integrioro !
Däs heaat bewioso Doarobioro,
ma heat däs do sit jeher to,
ganz glich woher sä ou siond ko.

As head üs d' Italiäna g'lehrt,
wio ma as Frönda reocht sä wehrt,
wio ma as Frönda kut zum Ruof,
dass tüchtig ma ou sei im Bruof.

Do Südtiolar goht as gli,
sie siond vo üs schneoll uona gsi,
ma seit-o-na zwor all no noch,
ma kenn 's a klä no a der Sproch.

Und noch-om Krieg siond d' Steirar ko,
head glei a hiosigs Moatlä gno;
däs heat an Vortl, und kuon klänno:
ma muoß ios so voll a-n-arkenno.


Derwil siond ou viel Jugos ko,
viel siond ou scho geboaro do;
sie wäronnd zum arkenno schwär,
wenn nid no do do Nammo wär.

's alt Doarobioro ischt mor, schint' s,
alls ehnder hüt, as a Provinz,
gült as nid schließlä no z' probioro
zum d' Türgo ou no z' integrioro.

Wenn däs üs ohne weh tuo glüing
wenn ma-n-amol an A'rang nüm,
dass 's Kopftuoch us-or Modä küm,
dänn wär a wifers Schrittlä to,
dem „Mitanander“ nöcher z' ko.



(ASP539-05..10.2009



Üsra Stadtbus

(ASP540-20..10.2009)

As ischt do Stadtbus, ehrlä,
für üs hüt u'emperlä;
du kuscht dormit reocht praktisch
i jeden Winkel faktisch.
Do Fahrplan gründlä zum studio,ro,
arspärat 's Loufo z' Doarobioro.
Mit noblem Gfährt i dunkelrot
fahrt siocher ma und eopa gnot.

Vom Rohrbach bis i's Güotlä
goht as mit iohm reocht gmüotlä;
vom Wallomahd kuscht faktisch ou
i-n-a ma Schwick i d' Pfellarou
Vom Meossäpark gi Mühlebach
bruchscht gad a Viertelstündlä schwach.
Du bioscht jo ou vom Brämomahd
i gleicher Zit bim Hallobad.
Vom Stunobach i d' Stadt heascht rund
mit Omweogo-n-a Viertelstund.
Vom Schweofol brucht ma beispiewies
a halbe Stund i d' Birkowies,
glichlang wio vo der Thomasbündt
an Stigelbach ma brucho künt.
All Viertelstund, und däs ischt frei,
an Bus am Schoaro kut verbei.
Und kuscht mit uom nid reocht arom,
stigscht a der Bahn in andro-n-om.

Do Fahrplan halt a klä studio,ro,
däs stoht dorfür sä z' Doarobioro.


Nü Linja heat as miotlarwil,
vo jedro ischt do Bahnhof 's Ziel;
a jeda Stadtbus heat sin Takt
und halt do Fahrpla-n-i exakt.

Dar schiogigscht Pensionischt
mobil hüt wieder ischt,
und om an Spott ma fahrt-o
mit siro Johreskarto.

Ar nützt sä us, sie ischt jo zahlt.
Und ischt an Wiontertag reocht kalt,
dänn stigt in gheizto Bus ar dromm
und fahrt a vier-füf Stund ringsom.
Ar bringt so d' Johreskarto-n-inar,
brucht fascht kuo Heizöl, der Schlawinar.

As ischt do Stadtbus für iohn, ehrlä,
zum 's Heizöl spära u'emperlä;
as ischt ou däs reocht praktisch
as heizt iohm d' Stadt i - faktisch.

's in Stadtbus kreftig inweschtioro
heat scho rentiert sä z' Doarobioro !



witerblättera tuot ma mit z'ruckblättera,
woascht scho,
links domma



zurück

Dänn kusch witer !
Logisch, oder ?